

All in for Kids

Birth to 3 Program Tsev Neeg Tsab Ntawv Xov Xwm (All in for Kids: Birth to 3 Program Family Newsletter)

All in for Kids (Tag Nrho Rau Me Nyuam): Birth to 3 yog ib tsab ntawv xov xwm tsim los faj seeb qhia rau koj thiab koj lub tsev neeg txog cov kev pab uas muaj los ntawm txoj kev pab Birth to 3 Program. Tsab ntawv xov xwm yog tshaj tawm los ntawm Wisconsin Department of Health Services (Tuam Tsev Tswj Xyuas Cov Kev Kho Kab Mob Kev Nkeeg).

H



NTHUAV QHIA TXOG TSAB NTAWV XOV XWM BIRTH TO 3 RAU TSEV NEEG

Cov ncauj lus uas teev muaj rau hauv tsab ntawv xov xwm yog tshaj tawm raws li Teb Chaws Asmeskas Department of Education (Tuam Tsev Tswj Xyuas Kev Qhia Ntawv), Individuals with Disabilities Education Act (Txoj Cai Tswj Kev Qhia Ntawv Rau Cov Tib Neeg Muaj Kev Tsis Taus) (IDEA), Ntu C Cov Kev Ceev Rau Early Intervention Program for Infants and Toddlers with Disabilities (Txoj Kev Pab Cuam Tshuam Thaum Ntxov rau Cov Me Nyuam Mos thiab Me Nyuam Me Muaj Cov Kev Tsis Taus).

Qhia kom koj ras paub txog txoj kev pab Birth to 3 Program Wisconsin Department of Health Services (Tuam Tsev Tswj Xyuas Cov Kev Kho Kab Mob Kev Nkeeg) (DHS) zoo siab xav qhia txog *All in for Kids (Tag Nrho Rau Me Nyuam): Birth to 3*, uas yog tsab ntawv xov xwm tsim los qhia rau cov tsev neeg kom ras paub txog txoj kev pab Birth to 3 Program. Yuav muab cov ntawv xov xwm no xa thiab tshaj tawm rau ntawm txoj kev pab Birth to 3 Program: Ncauj Lus Qhia Rau Cov Tsev Neeg qhov vas sab ntawm www.dhs.wisconsin.gov/birthto3/family/index.htm.

Kev Tshab Xyuas Txog Txoj Kev Pab Birth to 3 Program

Birth to 3 Program yog ib txoj kev pab thooob plaws hauv lub xeev uas pab rau cov tsev neeg muaj me nyuam yau dua 3 xyoos uas muaj cov kev loj hlob qeeb los yog cov kev tsis taus. Cov kev pab uas cov tsev neeg tau txais yuav txhawb rau lawv tus me nyuam txoj kev xeeb meej thiab kev loj hlob thiab cov tsev neeg cov kev txawj, cov txuj ci thiab cov laj lim tswv yim. Muaj Birth to 3 Program nyob ntawm no pab rau cov me nyuam txoj kev loj hlob thiab kev kawm raws li lawv muaj kev peev xwm tshaj plaws.

Txoj kev pab Birth to 3 Program tshwj xeeb rau ib tug me nyuam zus. Cov kev pab uas ib tsev neeg twg tau txais yog raws li cov kev tu ncu ntawm tus me nyuam thiab cov niam txiv los sis cov neeg zov tu thiab raws li cov tseem ceeb thiab kev txhawj txog ntawm lub tsev neeg. Cov qauv ua piv txwv rau cov kev pab muaj xws li kev qhia thiab pab tswv yim, kev qhia hais lus, kev qhia xyaum ua hauj lwm, thiab kev kho lub cev rau lub tsev neeg. Txoj kev pab Birth to 3 Program ua hauj lwm tam ib tug khub nrog cov tsev neeg. Yuav muab cov kev pab rau cov tsev neeg ntawm cov chaw ib txwm muaj (xws li hauv tsev, chaw zov me nyuam, los sis cov chaw hauv lub zej zog).

Xav paub ntxiv txog Birth to 3 Program, mus xyuas

www.dhs.wisconsin.gov/birthto3/family/index.htm.

Muaj txoj kev pab Birth to 3 Program thawm lub caij muaj kab mob kis thoob ntiaj teb

Tus kab mob coronavirus (COVID-19) kis thoob ntiaj teb tau tsim muaj cov kev cov nyom loj heev rau peb cov zej zog neeg. Thaum lub caij ntxhov siab no, txoj kev pab Birth to 3 Program yuav txhawb cov me nyuam thiab cov tsev neeg tas zog mus. Pab neeg txhawb txoj kev pab Birth to 3 Program ua tib zoo coj raws cov kev nyab xeeb txhawm rau COVID-19. Yeej muab tau cov kev pab raws cov kev tshiab los sis cov kev zoo txawv los sis nyob rau ntawm cov chaw txawv kom tiv thaiv tau txoj kev noj qab haus huv ntawm cov me nyuam thiab cov tsev neeg.

Kev rau npe txais cov tsev neeg tshiab

Me nyuam txoj kev kawm thiab kev loj hlob tseem ceeb tshwj xeeb tshaj plaws thaum thawj peb lub xyoo hauv lawv lub neej. Thaum twg yog hais txog kev muab cov kev pab rau cov me nyuam thiab cov tsev neeg, muab thaum ntxov dua yuav zoo dua. Txoj kev kis kab mob thoob ntiaj teb tau cuam tshuam rau ntau txoj kev ua lub neej, tiam sis txoj kev pab Birth to 3 Program yeej tseem txais tos cov me nyuam tshiab tas zog. Txoj kev rau npe muaj peb kauj ruam: kev ua ntawv xa me nyuam mus cuag kev pab, kev ntsuas txoj kev tsim nyog tau kev pab, thiab kev tsim muaj Individualized Family Service Plan (Lub Tswv Yim Npaj Rau Tsev Neeg) (IFSP).

Kauj Ruam 1: Kev xa tus me nyuam mus cuag kev pab

Cov niam txiv thiab cov neeg zov tu yeej paub tus me nyuam cov laj lim tswv yim thiab cov kev tu ncu zoo tshaj plaws. Yog lawv muaj cov kev txhawj xeeb los sis lus nug, lawv ua ntawv xa tau tus me nyuam mus cuag txoj kev pab Birth to 3 Program. Cov neeg ua hauj lwm zov tu me nyuam, cov kws kho mob, thiab lwm cov tib neeg thiab cov kev pab uas ua hauj lwm nrog cov tsev neeg puav leej ua ntawv xa tau thiab. Pom zoo heev kom muaj kev sib tham nrog cov niam txiv ua ntej yuav ua ntawv xa mus cuag kev pab. Kom ua ntawv xa ib tug me nyuam mus cuag txoj kev pab, hu rau txoj kev pab Birth to 3 Program nyob hauv lub cheeb koog uas tus me nyuam nyob rau. Yuav nrhiav tau cov ncauj lus sib cuag ntawm

www.dhs.wisconsin.gov/birthto3/contact.htm.

Cov ncauj lus uas teev muaj rau hauv tsab ntawv xov xwm yog tshaj tawm raws li Teb Chaws Asmeskas Department of Education (Tuam Tsev Tswj Xyuas Kev Qhia Ntawv), Individuals with Disabilities Education Act (Txoj Cai Tswj Kev Qhia Ntawv Rau Cov Tib Neeg Muaj Kev Tsis Taus) (IDEA), Ntu C Cov Kev Ceev Rau Early Intervention Program for Infants and Toddlers with Disabilities (Txoj Kev Pab Cuam Tshuam Thaum Ntxov rau Cov Me Nyuam Mos thiab Me Nyuam Me Muaj Cov Kev Tsis Taus).

Kauj Ruam 2: Kev ntsuas txoj kev tsim nyog tau kev pab

Tom qab ua ntawv xa mus cuag kev pab tag, yuav tau ntsuas tus me nyuam txoj kev tsim nyog tau txoj kev pab Birth to 3 Program. Qhov no yog lis los ntawm cov kev tshawb ntsuas, cov kev saib ntsuas thiab cov ncauj lus tau los ntawm lub tsev neeg los sis lwm cov kws kho mob. Txoj kev tshawb ntsuas yuav xyuas txog tsib fab ntawm txoj kev loj hlob:

- Kev kawm (kev xeeb ntawm lub hlwb)
- Kev txav mus los, qhov muag pom kev, thiab qhov ntsej hnov lus (kev loj hlob ntawm lub cev ntaj ntsug/kev siv yas cev)
- Kev hais lus thiab kev nkag siab txog lwm cov neeg tej lus hais (kev txawj hais lus thiab paub lus)
- Kev teb rau thiab nkag siab txog lwm cov (kev xeeb ntawm txoj kev txawj sib raug zoo thiab siab ntsws kev xav)
- Kev noj haus, hnav khaub ncaws thiab ua cov tes dej num txhua hnuv hauv lub neej (kev txawj xyaum ua)

Kauj Ruam 3: Kev Tsim Muaj Individualized Family Service Plan

(Lub Tswv Yim Npaj Rau Tsev Neeg)

Yog ntsuas pom tias tus me nyuam tsim nyog tau kev pab, yuav tsim muaj qhov IFSP. Pab neeg txhawb txoj kev pab Birth to 3 Program, uas xam muaj lub tsev neeg nrog, yuav ua hauj lwm ua ke los tsim muaj qhov IFSP. Qhov IFSP yog ib lub tswv yim uas cob thiab txhawb rau cov kev raus tes los pab rau tus me nyuam txoj kev loj hlob mus kom txog hnuv nyoog 3 xyoos. Lub tswv yim no yog tsim muaj raws li cov kev tu ncuu uas pom muaj kom ua tau cuag li cov hom phiaj ntawm lub tsev neeg thiab tus me nyuam ntawd.

Kev pab rau cov tsev neeg twb yeej rau muaj npe lawm

Txoj kev pab Birth to 3 Program hauv lub cheeb koog hauv zos yuav muab cov kev txhawb thiab kev pab uas txiav txim pom zoo los ntawm pab neeg txhawb. Pab neeg txhawb puav leej txiav txim txog kev muab cov kev txhawb rau thaum twg, qhov twg thiab pes tsawg zaus. Yog muaj ib feem twg hauv lub tswv yim tsis ua hauj lwm rau tus me nyuam los sis lub tsev neeg lawm, yuav kho tshiab tau qhov IFSP—tsuas sib tham nrog koj pab neeg txhawb!

Teb Rau Birth to 3 Program Tsev Neeg Cov Lus

Tshawb Kawm Tau Li Cas

Twb muab Tsev Neeg Cov Lus Tshawb Kawm Tau Li Cas xa mus rau cov tsev neeg muaj cov me nyuam uas koom nrog txoj kev pab Birth to 3 Program luv kawg nkaus yog rau lub hlis. Cov lus tshawb kawm txhua lub xyoo no yuav pab kom DHS nkag siab yog tias txoj kev pab yeej pab tau cov kev tu ncuu ntawm cov tsev neeg thiab cov me nyuam. Cov ncauj lus sau ua ke tau yuav txhawb kom txoj kev pab zoo heev dua rau cov tsev neeg thoob plaws hauv Wisconsin.

Yog koj lub tsev neeg tau txais cov lus tshawb kawm, thov muab teb rov qab ua ntej lub Kaum Ob Hlis Ntuj Hnuv tim 31, 2020. Muaj ob txoj kev teb rau cov lus tshawb kawm:

- Teb rau daim ntawv teev cov lus tshawb kawm uas tau muab xa lawm thiab siv lub hnav ntawv them nqi xa tuaj nrog xa rov qab hauv Teb Chaws Asmeskas chaw xa ntawv.

NTHUAV QHIA COV LUS

Yog koj paub ib tug men yuam uas tsim nyog yuav tau txais kev pab los ntawm Birth to 3 Program, qhia cov ncauj lus! Qhia rau lwm cov niam txiv txog txoj kev pab, yais qhia tsab ntawv xov xwm no, los sis muab qhov vas sab qhia rau lawv.

Cov ncauj lus uas teev muaj rau hauv tsab ntawv xov xwm yog tshaj tawm raws li Teb Chaws Asmeskas Department of Education (Tuam Tsev Tswj Xyuas Kev Qhia Ntawv), Individuals with Disabilities Education Act (Txoj Cai Tswj Kev Qhia Ntawv Rau Cov Tib Neeg Muaj Kev Tsis Taus) (IDEA), Ntu C Cov Kev Ceev Rau Early Intervention Program for Infants and Toddlers with Disabilities (Txoj Kev Pab Cuam Tshuam Thaum Ntxov rau Cov Me Nyuam Mos thiab Me Nyuam Me Muaj Cov Kev Tsis Taus).

- Siv lub tshwab koos pib tawj, lub xov tooj ntse, los sis daim phiaj tablet teb cov lus tshawb kawm ntawm
www.surveygizmo.com/s3/3248930/Family-Outcomes-Survey.

Cov lus tshawb kawm yuav siv sij hawm li 15 feeb los teb thiaj tiav. Yuav tsis muab cov lus teb txuam nrog rau cov tsev neeg los sis cov me nyuam. Tsis yuam kom yuav tsum teb cov lus tshawb kawm thiab yuav tsis hloov cov kev pab uas cov uas lub tsev neeg tau txais.

Ua tsaug uas koj muab cov ncauj lus tswv yim muaj nqis txog txoj kev pab Birth to 3 Program!

Keu sib txuas lus nrog tus me nyuam tus kws kho mob

Muaj Birth to 3 Program nyob ntawm no pab rau cov me nyuam txoj kev loj hlob thiab kev kawm raws li lawv muaj kev peev xwm tshaj plaws. Tsis hais lub tsev neeg yuav zoo li cas, yeej xam tias cov niam txiv thiab cov neeg zov tu yog cov neeg paub tshaj plaws txog tus me nyuam. Cov kws kho mob, cov neeg tu xyuas neeg mob thiab lwm cov kws kho mob yog tau cov khub tseem ceeb ntawm txoj kev pab rau tus me nyuam txoj kev loj hlob. Qhib kev sib txuas lus ntawm cov tsev neeg, cov neeg zov tu thiab cov kws kho mob yuav muaj txiaj ntsim zoo rau tus me nyuam.

Ua kom tau ntau tshaj plaws hauv lub sij hawm teem

Cov sij hawm teem yuav mus dhau ceev. Feem ntau yeej muaj ntau tsav yam ncauj lus yuav tau tham kom txhua hauv lub sij hawm lub heev. Kev npaj kom txhij yuav pab kom ua tau ntau tshaj plaws hauv lub sij hawm teem kho kab mob ^{kev nkeeg}.

Ntawm no yog qee cov tswv yim pab kom ua tau ntau yam zoo hauv ib lub sij hawm teem:

- **Muab sau tseg.** Txog tog hauv lub sij hawm sib ntsib, sau tseg tej lus nug los sis kev txhawj xeeb. Teev cia tus me nyuam tej txuj ci tshiab los sis cov kev loj hlob zus thiab muab qhia thaum lub sij hawm teem. Xav paub cov ua piv txwv kev loj hlob, mus rau
www.cdc.gov/ncbddd/actearly/milestones/index.html.
- **Xav txog lub caij nyoog.** Teem cov sij hawm rau lub caij zoo tshaj plaws rau lub tsev neeg. Piv txwv, xyeej lub sij hawm pw tsaug zog.
- **Thov lwm cov neeg pab.** Yog ua tau, thov lub tsev neeg los sis cov phooj ywg pab lwm cov me nyuam los sis ua cov tes luag num thaum muaj lub sij hawm teem. Qhov no yuav txo tsawg txoj kev ntxhov siab thiab yuav pab kom koj tswm siab dua.
- **Ua raws li koj siab xaiv.** Cov niam txiv thiab cov neeg zov tu yeej paub tus me nyuam zoo tshaj plaws. Lawv “cov kev xav hauv siab” yog ib lub tswv yim zoo heev. Qhia rau tus kws kho mob paub txog tej kev txhawj xeeb thaum ntxov yuav zoo dua.

Cov ncauj lus uas teev muaj rau hauv tsab ntawv xov xwm yog tshaj tawm raws li Teb Chaws Asmeskas Department of Education (Tuam Tsev Tswj Xyuas Kev Qhia Ntawv), Individuals with Disabilities Education Act (Txoj Cai Tswj Kev Qhia Ntawv Rau Cov Tib Neeg Muaj Kev Tsis Taus) (IDEA), Ntu C Cov Kev Ceev Rau Early Intervention Program for Infants and Toddlers with Disabilities (Txoj Kev Pab Cuam Tshuam Thaum Ntxov rau Cov Me Nyuam Mos thiab Me Nyuam Me Muaj Cov Kev Tsis Taus).

Qhia rau tus kws kho mob txog txoj kev pab Birth to 3 Program

Xav txhawb kom cov tsev neeg uas rau muaj npe nrog txoj kev pab Birth to 3 Program qhia rau tus kws kho mob txog txoj kev pab. Qhia cov ncauj lus txog nws pab tau tus me nyuam loj hlob zoo li cas. Qhia rau lawv paub txog cov hom kev txhawb uas ua hauj lwm tau zoo tshaj plaws. Yog tus kws kho mob paub ntau dua txog cov kev txhawb uas tus me nyuam tau muaj, nws yuav pab kom lawv hloov txoj kev kho kab mob kev nkeeg kom zoo dua.

Cov chaw muaj kev pab

Cov dab neeg txog me nyuam loj ntaub npog ntsej muag:

www.healthychildren.org/English/health-issues/conditions/COVID-19/Pages/Mask-Mythbusters.aspx

Pab txhawb kom me nyuam loj tau ntaub npog ntsej muag':

www.asatonline.org/research-treatment/clinical-corner/face-mask

Kev npaj ib tug neeg mus sib ntsib tim ntsej tim muag thaum muaj tus kab mob kis thoob ntiaj teb:

www.dhs.wisconsin.gov/publications/p02703.pdf

Cov ncauj lus qhia txog me nyuam kev loj hlob thaum ntxov:

www.zerotothree.org/early-development

KOOM NROG PEB COV TXAIS NTAWV EMAIL

Kom txais tau ceev dua, rau npe kom tau tsab ntawv xov xwm xa hauv tshuab hluav taws xob tuaj thiab lwm cov ntawv email txog txoj kev pab Birth to 3 Program. Mus rau www.dhs.wisconsin.gov/aboutdhs/alerts.htm. Ces rub rov hauv thiab nias qhov chaw txuas Birth to 3 Program Information for Families (Ncauj Lus Txog Birth to 3 Program Tsev Neeg) nyob rau ntawm sab laug.

Cov ncauj lus uas teev muaj rau hauv tsab ntawv xov xwm yog tshaj tawm raws li Teb Chaws Asmeskas Department of Education (Tuam Tsev Tswj Xyuas Kev Qhia Ntawv), Individuals with Disabilities Education Act (Txoj Cai Tswj Kev Qhia Ntawv Rau Cov Tib Neeg Muaj Kev Tsis Taus) (IDEA), Ntu C Cov Kev Ceev Rau Early Intervention Program for Infants and Toddlers with Disabilities (Txoj Kev Pab Cuam Tshuam Thaum Ntxov rau Cov Me Nyuam Mos thiab Me Nyuam Me Muaj Cov Kev Tsis Taus).

All in for Kids (Tag Nrho Rau Me Nyuam): Birth to 3 yog ib tsab ntawv xov xwm tshaj tawm los ntawm Wisconsin Department of Health Services (Tuam Tsev Tswj Xyuas Cov Kev Kho Kab Mob Kev Nkeeg) rau cov me nyuam thiab cov tsev neeg nyob hauv txoj kev pab Birth to 3 Program.

Birth to 3 Program yog ib txoj kev pab cuam tshuam thaum ntxov uas mob siab pab cov me nyuam yau dua 3 xyoos uas muaj cov kev loj hlob qeeb thiab cov kev tsis taus thiab lawv cov tsev neeg. Txoj kev pab no sib koom tes nrog cov tsev neeg kom paub tau lawv tus me nyuam txoj kev loj hlob thiab txhawb tau lub tsev neeg cov kev txawj, cov txuj ci thiab cov laj lim tswv yim thaum lawv muaj kev sib tham nrog thiab tu lawv tus me nyuam kom loj hlob. Xav paub ntxiv, mus xyuas <https://www.dhs.wisconsin.gov/children/index.htm>.

Para leer este boletín en español, visite www.dhs.wisconsin.gov/library/akidsb-3.htm.

Xav nyeem tsab ntawv xov xwm no ua Lus Hmoob, mus xyuas www.dhs.wisconsin.gov/library/akidsb-3.htm.

Rau lwm cov hom lus (繁體中文, 简体中文, Deutsch, العربية, русский, 한국어, Tiếng Việt, Deutsch, বাংলা, Français, Polski, हिंदी, Shqip, Tagalog, Soomaali): 608-266-8560

